

光緒山西通志

山川考三

考二之三

山西通志第三十三

賜進士出身頭品頂戴兵部侍郎兼都察院右副都御史巡撫山西提督軍務臣張煦奉
旨監修

太行山上

丹水西山
濁漳西山

丹水東山
濁漳南山

太行山一名五行山起自河內跨澤潞遶沁四府州地自沾
嶺而北與恆山連自沁水而西與太岳王屋連而南而東則
河北諸郡自懷迄邢錯居其趾形勢輿衍盤阻千里橫絕九
州爲天下之脊春秋晉以東陽南陽表地界元明以來以山
東山西分行省世稱山有八陁然飛狐蒲陰軍都遠隔恆岳
實止軹關太行白陁滏口及井陘爲五耳而井陘本屬常山
軹關又在王屋其他三陁今地亦不隸晉則僅舉其陟裔不
足以盡陁要窮輿宅也茲條次山絡表以水道南起丹沁中

分二章北連縣蔓制渦悉循地防以別支幹淳南諸山實輔大茂而爲鄰境所限不能踰五臺而北也亦附及之

禹貢太行恆山至于碣石入于海正義地理志云太行山在河內山陽縣西北恆山在上曲陽縣西北太行去恆山太遠恆山去碣石又遠故傳云此一山連延東北接碣石而入滄海也

案漢志山陽縣北有東太行山疏未備引山陽今修武縣也

淮南子武王欲築宮於五行之山周公曰五行險固德能覆也使吾暴亂則伐我難矣君子以爲能持滿高誘注今

太行山也在河內野王縣西北

案列子作太行野王行讀如字亦可

括地志太行連互河北諸州凡數千里爲天下之脊

太平寰宇記太行陁在河內縣西北三十里連山中斷曰陁述征記曰太行首始於河內北至幽州凡百嶺連互十

二州之界有八陁第一軹關陁今屬河南府濟源縣第二
太行陁第三白陁此二陁今在河內第四釜口陁在鄴西
第五井陘第六飛狐陁一名望都關第七蒲陰陁此三陁
在中山第八軍都陁在幽州

地理通釋秦漢之間稱山北山南山東山西者皆指太行
以其在天下之中故指山以表地勢

日知錄宣公十五年滅潞氏十六年滅甲氏及留吁成公
十一年伐麇咎如而上黨爲晉有矣然後出師以撫山東
昭公十二年滅肥二十二年滅鼓於是太行以南之地謂
之南陽太行以東之地謂之東陽而晉境東接於齊

原注

注引馬季長曰晉地自朝歌以北至中山爲東陽自朝歌以南至軹爲南陽

方輿紀要太行山一名五行山

亦曰王母山又名女媧山在懷慶府城

北二十里接山西澤州南羊腸險道在焉左傳襄公二十三年齊侯爲二隊入孟門登太行齊語桓公應車東馬踰太行戰國策范雎曰北斷太行之道則上黨之師不下又曰一軍臨滎陽一軍臨太行韓必效上黨之地蔡澤謂范雎君相秦決羊腸之險塞太行之口史記吳起謂魏武侯殷紂之國左孟門右太行又韓桓惠王十年秦擊我於太行上黨降趙秦昭王四十四年白起攻太行道絕而韓之野王降漢三年漢王數困於滎陽成皋間議退屯鞏洛鄴食其進曰願塞成皋之險杜太行之道後漢永平十三年登太行幸上黨光和二年北登太行山至天井關元初元年詔遣兵屯河內通谷衝要三十六所皆作塢壁設鳴鼓以備羌寇蓋太行北至恆山限隔并冀其間谷道相通時

羌寇充斥故於衝要處作塢壁以備之晉永嘉三年劉淵
據蒲子遣其子聰等十將南據太行石勒等十將東下趙
魏所至殘破太元十九年後燕慕容垂伐西燕頓軍鄴西
南月餘不進慕容永以太行道寬疑垂欲詭道取之乃悉
數諸軍杜太行口旣而垂自滏口入滅永里道記自晉陽
趣河內入洛陽必經太行太行在懷澤間實據南北之喉
隘後魏主嗣泰常八年自河內登太行至高都子攸永安
三年誅爾朱榮使將軍史倅龍等守太行嶺及爾朱光自
晉陽南下倅龍等帥衆先降兆遂長驅入洛東魏武定六
年高澄自虎牢濟河至洛陽旣而自太行還晉陽隋仁壽
末漢王諒舉兵并州分遣其將爾朱理自太行下河內大
業三年北巡發河北丁男鑿太行山達於并州以通馳道

繼而自太原還上太行開直道數十里至濟源唐武德三年世民攻王世充於東都分遣將劉德威自太行東圍河內八年突厥寇并州詔總管任瓌屯太行以備突厥寶應初以史朝義據洛陽徵回紇兵至河東藥子昂往勞軍請回紇自太行南下據河陰扼賊咽喉光化三年朱全忠寇易定李克用遣李嗣昭將兵下太行攻懷州及河陽以救之明年朱全忠攻李克用分遣其將氏叔琮入自太行五代漢末郭威入汴李驥勸劉崇疾引兵踰太行據孟津朱建隆初昭義節度李筠舉兵太祖遣石守信等擊筠勸之曰勿縱筠下太行急引兵扼其隘破之必矣三年開太行運道謀兵北漢也靖康元年粘沒喝陷太原遂長驅下太行入懷州開禧二年蒙古圍金中都分軍循太行而南破

懷孟十年蒙古使其將木華黎經略太行東西諸州軍元至正十八年劉福通將關先生等踰太行焚上黨大掠晉冀以北旣而察罕帖木兒遣將關保等分兵阻隘塞井陘杜太行以遏賊侵軼之道明洪武元年大軍克元都遂西下太行收山西州郡河南守將馮宗異亦渡河下懷慶以循太行以北夫太行之山千秋不易則太行之險亦千秋不易矣

舊通志太行山西南接底柱析城王屋又西迤姑射中條東北跨陵川壺關潞城黎城遼州和順武鄉諸州縣又東爲燕山縣互數千里隨地異名北嶽霍山五臺句注蘆芽皆其支脈海內名山繇崑崙而下當以此山爲第一云

案太行縣互千里踰澤潞迤沁平定五府州之地自爲晉東諸山之宗至舉以概全晉之山謂

蘆芽勾注皆其支脈殊爲不考蘆芽自發脈雲中爲汾西諸山之祖幹若究其實言之則崑崙中幹循黃河而入中國山西諸山皆由朔南分布而來大行猶其支別耳

澤潞之山羣宗發鳩爲太行南北之正幹山之陰濁漳出焉其陽則丹水所源爲澤之巨川故言澤州山者必以丹水分東西丹水以西之山其與發鳩接麓而迤西者爲巨駿山入沁水境與發鳩連脊而稍南者爲繖蓋山跨高平境迤邐丹沁之間歷陽城界而羣會於鳳臺之天井關

北山經沁水東有林焉名丹林丹林之水出焉

宸宇記發鳩山在長子縣西南五十六里沁水一名丹水在縣西北四十里源出繖蓋山穿太行入河內縣沁水天井關一名太行關在太行山上太行山在晉城縣南三十六里

舊通志字峻山在沁水縣東北百里古名巨峻五朝志

端氏有巨峻山

案水經注作巨峻

謹案丹水漢志云出高都莞谷上黨記云出長平山水經注云出高都故城北阜明地理志及方輿紀要並云出高平仙公山舊通志云出發鳩山澤州府志辨爲出丹朱嶺高平縣志則謂出發鳩之巔鳳頭山然其正源實在鳳臺邱注言之甚詳因其水受洙水絕水長平諸水其流始巨正源或盈涸不常而他水遂有其通稱故自唐已不能辨而寰宇記所引尤雜如云丹水出晉城縣司馬山似矣又云洙水一名丹水出高平縣又云丹水一名長平水出長平而更引漢書以爲卽莞谷水一人之書一篇之策而矛盾若

是茲姑舉爲證者以習稱已久如涅水之統名爲沁
銅鞮水之統名爲漳耳

山巨駁山連峰而西厯岳陽南境至沁水縣之峰岳山其南
爲熊耳山巖巖水經焉又南曰佛廟嶺曰三皇嶺皆濱沁水
岸佛廟嶺之東南曰金山南與嵬山對峙秦川水自秋峪嶺
來玉溪水自空倉嶺來合流出其間逕端氏故城南入於沁
水空倉嶺之南曰吳山西南曰岳神山與鳳臺界又西南曰
樊山與陽城界

水經注沁水又南厯崎氏關又南與藥藥水合水出東北

巨駁山乘高瀉浪觸石流響世人因聲以納稱西南流注

於沁水

案今名十里河入秦川水

沁水又南與秦川水合水出巨駁山

東帶引衆溪積以成川又西南經端氏縣故城東南流入

於沁水

寰宇記秦水出縣北西榆村谷今海子河出綿氏鎮東北八十里秋峪嶺

沁水縣志峰岳山在縣東九十里大將村東佛廟嶺熊

耳山並在縣東六十里三皇嶺在縣東五十里金山在

縣東九十里崑山在縣東一百里秋峪嶺在縣東一百

七十里巨峻山南三十里高平縣界空倉嶺在縣東一百五十里名

老馬嶺高嶺通街玉溪河出焉西吳山在縣東一百四

十里西北為蟠龍嶺岳神山在縣東一百二十里俗稱大岳

神又稱東岳神以樊山在縣東一百二十五里山前有

別於沁西之山老姥掌山後即可樂山陳廷敬游老姥掌記云上黨而

里曰洞陽山又南十五里曰樊山上黨地方山又南十五

山高出地上皆直下萬仞曰樊山則枝分條披狀形奇

巖巖而為峰窵窵而為壑壑而為峯峯而為嶺嶺而為

又南則砥柱析城岩壁重復南來如樓臺壁峽如牆隄

波紋而島嶼出如江湖平而洲渚生村居靜深闕屬與
門見山測以圭景南北相峙不失抄忽則仰觀夫樊山
之為狀也如仙卿冠帶而立其上又如鯨張鱗如以舒
翼委蛇而下而其束則如巨鯢掌者向所謂峰為而巖
狎太清下揮空曲有曰老姥掌者向所謂峰為而巖
窺焉而窺窺窺焉而玲瓏巖焉而寥廓數十里之內聯
焉而崇巖岫焉而玲瓏巖焉而寥廓數十里之內聯
亘暉餅可搏擷如置諸掌背以掌名肖其形矣信異境
矣哉其下則古松流水渺然非復人間余時游而樂之
蓋嘗數宿而此況所云數百里者吾雖未能盡游焉而
解之美已如此況他日雖得盡
已坐挹河山之勝他日雖得盡
游其處亦何以加於此樂也與

其在鳳臺西北者吳山亦曰梧山陽阿水出焉水西有蟠龍
山聖王山方山可寒山洞陽山五龍山迤南有黃沙山在陽
城東界者與方山樊山連而迤南曰史山曰可樂山曰峪溝
山又南為午壁陽阿水所經也其水入沁之次曰九女臺
水經注沁水又東南陽阿水左入焉水北出陽阿川南流

經建興郡西又東南流經午壁亭東而南入山其水沿波漱石瀾澗八丈環潯轂轉西南流入沁水

鳳臺縣志吳山右旋由山脊西行曰蟠龍山山下有源泉寺寺旁數泉清徹可盥曰聖王山有成湯廟廟前二池名顯化池並距縣五十里再南曰方山壁立數丈頂平如削迤南曰司家山曰姬家山再迤南曰岳神山孤峰特立古松千樹有樂氏二仙祠並距縣四十里由岳神山脊轉而東曰可寒山縣西三十五里迤西曰洞陽山縣西四十二里再迤南曰五龍山有水簾洞其西南曰樊山陳文貞公墓在焉再南迤西曰黃沙山接史山卽陽城界並距縣四十五里

陽城縣志史山縣東北四十里一名華陽山產鐵迤西

七八里有金裏谷海會寺在谷中可樂山縣東北三十
五里與樊山毘連有白鶴肝陳相國陟杞樓在焉峪溝
山縣東二十里與潞城翠眉山毘連九女臺縣東六十
里下窄上豐稜角峭秀石趾插沁當陽阿水入沁之衝
屹然獨峙上有九女祠故名臺

右丹水以西濱沁之山在沁水陽城東境及鳳臺
西境者

繖蓋山絕水出焉西有仙公山長平水出焉其北曰鳳頭山
爲發鳩南嶺有鰲水東流與二水合世並以爲丹水源也迤
東曰釜山曰牛心山迤南曰西珏山汶水出焉其東曰走馬
嶺曰頭顱山曰金峰山轉而南至遊仙山北去高平縣十五
里長平諸水並自縣西來與汶水會於山之陽

水經注絕水出泫氏縣西北楊谷故地理志曰楊谷絕水
所出東南流左會長平水水出長平縣西北小山東南流
徑其縣故城泫氏之長平亭也上黨記曰長平城在郡之
南秦壘在城西二里共食流水澗相去五里秦阮趙衆牧
頭頗築臺於壘中因山爲臺崔嵬桀起今仍號之曰白起
臺臺之左右沿山互隰南北五十許里東西二十餘里悉
秦趙故壘遺壁舊存焉其水東南流注絕水絕水又東徑
泫氏縣故城北東南與泫水會水導源縣西北泫谷東流
徑一故城南俗謂之都鄉城又東南徑泫氏縣故城南而
東會絕水亂流東南入高都縣右入丹水上黨記曰長平
城在郡南山中丹水出長平北山南流秦阮趙衆流血丹
川由是俗名丹水斯爲不經矣

案漢志絕水乃泫水之
誤說詳府州志縣考下

寰宇記頭顱山一名白起臺在高平縣西五里

高平縣志仙翁山縣西北三十里相傳張果老過此鳳頭山縣西北四十五里西接仙翁山沁水縣界釜山縣北三十里上有蒼頡廟一名朗公山牛心山縣西北三十里走馬嶺縣西北十五里出鐵礦金峰山縣西郭外三里有靈岩寺先月亭遊仙山縣南十里有寺金李通敏讀書於此後年百歲終土人名里曰遊仙坊山陽有慈教院新志云釜山之南曰西珏山爲泫水所自出一曰嵐翹山相傳慕容永時有五色雲見西曰五龍頂南曰馬鞍山曰圍屏山曰南華山

與仙翁山連脊而南爲黑虎嶺又南曰分水嶺曰浩山曰董峰山又南卽空倉嶺也並有澗水東流入泫水其西與沁水

界者有香鑪山花石柱山與鳳臺之吾山迤東有卧佛山迤南曰懸瓠山並在高平西南境曰紫金山曰石寶嶺曰莒山曰潭嶺有陘口爲諸水南出之隘並在鳳臺北境

寰宇記懸瓠山在高平縣西南十五里山形似懸瓠

高平縣志浩山縣西四十里有石朵山峰似花朵西爲老馬嶺沁水界董峰山縣西四十里馬仙姑鍊形處有石柳空倉山縣西南四十五里白起詭運米置倉於此舊建巡檢司城卧佛山縣西南三十里有萬月亭

鳳臺縣志吾山下稍低曰香鑪山在縣西北五十里左曰紫金山岡阜坡陀再迤東曰石寶嶺距縣四十五里巖刻石佛十餘山下有老陰泉南入塔河再東曰界牌嶺距縣五十五里再東曰莒山距縣五十里有簡相如

廟後爲藺相如墓一統志云藺相如墓在邯鄲西南六里耆老傳爲莒山村人非所詳也再東迤北爲潭嶺頭距縣五十里卽金玉嶺有道泉溪南流入丹潭嶺又北平岡忽起小阜曰蜆蛤山在縣東北六十里山下東西兩岸石壁嵯峨絕水中行名曰陘口此絕水入鳳臺之界也

右丹水上游以西之山在高平及鳳臺北境者鳳臺山之在丹水白水間者自香鑪山迤南爲小尖山稍東有二仙掌司馬山之別阜也爲丹水正源所在東北流徑垂棘山與高平諸水會轉而南曰龍門曰浮山曰峽石山青蓮寺在焉又南爲將軍砦爲三橫山東倚丹谷而西臨白水所經之大口

水經注丹水出上黨高都縣故城東北阜下俗謂之源源
水山海經曰沁水之東有林焉名曰丹林丹水出焉卽是
水矣丹水自源東北流又屈而東注左會絕水丹水又東
南流注於丹谷卽劉越石扶風歌所謂丹水者也晉書地
道記曰縣有太行關丹溪爲關之東谷遂自此去不復由
關矣丹水又經二石人北而各在一山角倚相望南爲河
內北曰上黨二郡以之分境丹水又東南歷西巖下巖下
有大泉湧發洪流巨淪淵深不測蘋藻菱芹竟川含綠雖
嚴辰霜月無變暄襲丹水又南白水注之

寰宇記丹水出晉城縣北一十二里司馬山昔晉帝巡狩
此山因以帝姓爲名峽石山在縣東南三十里上有青蓮
寺西有擲筆臺卽遠公置涅槃疏藏之所石人山在縣東

南八十里有雙石高標類人形

鳳臺縣志小尖山在縣西北二十里山分三支微東轉
小阜曰二仙掌距縣十五里山陰淺沙細草水流津津
爲丹水之源其東橫互司馬山循脊東北行曰可寒山
距縣二十五里山下有雙泉在平原一統志云丹水發
源於可寒山或指此再東橫岡曰三稜嶺曰垂棘山自
此丹水與絕水交垂棘山岡隴南行懸崖中斷兩壁如
削曰龍門峽在縣東三十五里再南山脊漸起危峰插
漢曰浮山上有伏羲廟迤北曰磨兒山有媧皇廟浮山
東南山脊漸低臨丹水秀峰如屏曰石人山谷曰石人
漏非水經注所經二石人也再迤南曰峽石山兩岸急
束中通石徑有青蓮寺山前乳竇嵌空丈餘修廣倍之

寺僧所汲於此再南曰岳將軍砦有石寨南北兩門中通下爲將軍村距縣六十五里與三橫山山脊相連爲丹水西岸

其在白水之右者與二仙掌連麓而南爲碧落山又南岡巒斷續曰五門山山脊中分迤東曰岡頭山曰寶山曰金剛嶺曰王莽山曰洞子岩下有琵琶泓稱名勝再南曰小珏山迤邐而東達於白水之西岸曰大神頭山

寰宇記五門山在晉城縣西北八里其山五峰似門白水在縣南二里源出河引舊通志云出湖泓穿太行過與丹水合

鳳臺縣志二仙掌前曰碧落山在縣西北十五里山下碧落寺亦名石佛谷唐韓王元嘉子黃國公譔爲母房氏祈福所建有摩崖碑篆書後燬於火寺南千松掩映

一郡奇觀俗曰萬松嶺南行一門中斷曰崦村山距縣十二里再斷復起曰五門山西距縣十里南行又斷復起曰核桃窠山亦距縣十里又斷復起曰轆轤井山微南距縣十二里又斷復起曰峪口山距縣十五里山脊中分迤東行曰岡頭山下有錦溪水有落花寺再東爲寶山西距縣五里有寶山寺下爲冶家河又南爲吳神山距縣八里廟祀秦伯仲雍吳神山迤南而東岡嶺平衍爲白水南岸曰金剛嶺折而南爲白水西岸峻石壁立在縣東南十里再南爲王莽山再南石平如砥下臨深潭曰聖字泓距縣十二里東岸曰小崆峒山亦曰洞子岩有琵琶寺迤西曰琵琶泓爲唐宋人遊集地距縣十五里再南曰小珏山兩峰離立中隔白水西峰有石

堡爲昔人避兵之所距縣二十里再南爲老公山多岩洞石墜不能容足距縣四十里再南曰高神頭山再南曰大神頭山高峰插漢俯視天井溪合白水人丹水了指掌俗曰石碎河在縣東南六十里

其在縣西境者與小尖山連脊而南爲伊侯山白水所源也其山盤互重複曰桃固嶺西阻陽阿水而東與環秀山連五門之最南峰也又南曰普晉山又南曰佛頭山層巖峻嶺循沁東岸達七盤山爲沁口

水經注沁水逕午壁亭東而南入山又南五十餘里沿流上下步徑裁通小竹細筍被於山渚蒙龍茂密奇爲翳蒼也

秦注又云沁水南經石門謂之沁口石門當在今濟源注云舊有坊口之稱明非出山之口矣

鳳臺縣志小尖山南行山脊隆起曰伊侯山在縣西北

二十里有伊尹廟山下細流涓涓由西東流白水源也
舊志云源出城南一里許名湖泓今其地全無水府志
云源出城南五龍山下五龍池案城南無五龍山其池
卽龍潭深數丈不能泛溢也伊侯山西南曰桃固嶺距
縣二十里東接環秀山晉普山山陰西轉爲陽阿水山
脊南行一峰對峙俗名尖山再南曰佛頭山距縣四十
五里舊志曰宋王忠植曰我河東步河山人卽此案忠
植石州人今永甯州有步佛山以佛頭爲步佛附會失
據且援此以忠植爲州人更舛矣佛頭山南曰追山迤
西曰朝鳳山一曰白龍頂距縣八十里西面懸崖天際
俗呼黃崖漏此人謂崖曰漏語轉訛也追山迤南爲將
軍頭山一統志曰宋紹興間岳忠武爲張所部時復新

鄉轉戰大捷後使梁興渡河敗敵於沁水築寨以待飛
兵故名再迤西爲史家嶺接濟源界再西爲七盤山在
縣西南九十里下臨范家河沁水出山之口

其在縣南界者晉普山之東岡阜迤連當太行孔道其南曰
無量殿嶺東曰蔡家嶺再東爲天井關又南曰黑石嶺其隘
曰小口關之迤東曰橫望隘迤西曰月院山曰天柱山皆險
峻出羣山表而小口南通河內爲古太行陁

水經注白水出高都縣故城西所謂長平白水也東南流
歷天井關地理志曰高都縣有天井關蔡邕曰太行山上
有天井關在井北遂因名焉故劉歆遂初賦曰馳太行之
險峻入天井之高關太元十五年晉征虜將軍朱序破慕容
永於太行遣軍至白水去長子百六十里白水又東天

井西水會焉水出天井關西流注白水世謂之北流泉白水又東南入丹水謂之白水交

寰宇記天井泉在天井關之南泉有三所極大至深莫測太行陁在河內縣西北三十里關三步長四十里

鳳臺縣志晉普山迤東南行曰無量殿嶺在縣南三十

五里

又云山東一支岡阜低衍迤南有北城頭山下有河底村太行孔道迤東有峒臺寨山香鑪山亂石

峰在河底河之北岸盡白水西岸

岡阜東衍曰蔡家嶺距縣四十里再

東爲天井關距縣四十五里關有孔子廟

案水經注所言孔子廟在

太行嶺南爲邪水所經在河內縣後人傳合於此又指石上車轍爲過轍處

關南山脊之東

天井溪水出焉俗呼晉廟河天井在攔車鎮西南道左

去關三十餘里天生晉井徑七尺圍二丈許其深無底

以石投之礮礮有聲蔡邕曰天井關在井北遂因名焉

是也或云在天東并宿之北者誤舊志云天井谷在縣

西南四十五里今不詳其地案古關當在橫望鎮邇高

臨下設險守國形勢然也今天井關似卽天井谷去縣

亦四十五里與志合案寰宇記天井關在襄垣縣東南四十里置在天井谷內深遠似井

因以爲名魏武初遷都於此置關周建德六年廢舊志所云天井谷似因此文而率誤關南由攔

車鎮南行曰黑石嶺距縣八十里太行絕頂舊志曰黑

嶺下卽開燈也案水經注黑嶺卽翼城沁水之烏嶺開燈當是斬燈之誤由嶺迤西

而南曰小口距縣九十里在碗子城西自豫省由西梁

別徑入山至星軺驛南三十里合大道通志隋大業中

上登太行山別開道九十里以達河內過御史大夫張

衡宅悅其園林留宴三日卽今小口是也案小口去河內縣五十里

當是古太行陁寰宇一統志云羊腸坂在鳳臺南天井

記所謂長四十里者

關之南接屬城界案羊腸坂有三一在澤州一在太原

一在壺關戰國時所言羊腸大抵在澤州者近是

案括地志

羊腸坂在河內縣北二十五里元和志在壺關縣東南一百五十里大抵國策爲韓言者常在河內爲趙言者當在壺關也

攔車鎮南行迤東曰橫望隘距縣六十里太行之

頂傳爲狄仁傑望雲思親處山前有磨盤寨接河內界

由攔車鎮西南行曰月院山距縣六十里舊志云石壁

嵯峨飛泉噴薄下臨天柱峰有潭深不可測天柱山一

名大月院山有普照寺金建下爲三教河太行山中西

北一帶澗水俱會於此西流入乾河出山由小口前黃

沙嶺入河南界此境內未歸丹沁之水以無常流故曰

乾河非唐李德裕奏請立寨之地

右丹水以西之山在鳳臺縣境者

丹水以東之山西起發鳩連麓而東橫互於澤潞之交自江
豬嶺以南東盡蒲水爲高平山自鷄鳴嶺而迤東南界連河
南之輝縣修武爲陵川山其西濱於丹水者鳳臺山也陵川
東北毘連壺關及河南之林縣隆慮山之西界也別爲一支
魏書地形志壺關有鷄鳴嶺一名火山今本訛大山
明史地理志陵川西北有蒲水西流入於丹水
資治通鑑注江豬嶺在高平縣西北

舊通志江豬嶺在長子縣南四十里高平界卽丹朱之
南嶺也鷄鳴山在長治縣東南八十里當郡之界鷄鳴
兩界皆間有鷄鳴水蒲水在陵川縣北八十里發源聖
宮山西南流入長平丹河東接壺關馬鞍山

謹案陵川疆連河北三府山嶺錯雜南境之水悉入

於衛東境之水悉入於淇獨西自蒲水一帶山勢盤迴與丹水相會然衛河上源本卽丹水丹水自河內南入沁爲大丹河一東流爲小丹河過修武獲嘉始名衛河則南境諸山與鳳臺之東山猶類從也而東而北則水屬不孫雖強以相合也別詳濁漳南山下

江豬嶺亦曰丹朱嶺爲高平北界卽長平關也有澗水西與絕水合世亦名丹水也迤東曰關和嶺其南有石室山又東曰羊頭山其南有慶雲山又東曰首陽山其南有穀遠山蓋山迤南曰韓王山又南有金門山至縣城而止山東西諸水所會也

寰宇記長平關冀州圖云在高平縣北五十里秦趙二壁對起相距數里又云關城在縣北三十五里秦立關於此

羊頭山在縣北三十五里神農嘗五穀之所形似羊頭金門山在縣北五里其山崖土赤如金當趙壘之門因號金門

方輿紀要江豬嶺與長平關相近五代梁開平初圍潞州別將伊皓攻晉江豬寨拔之周顯德初與北漢主相距於高平命李彥崇將兵守江豬嶺遏北漢主歸路彥崇擅引還北漢主果自其路遁去

舊通志石室山在高平縣北三十里穀遠山在縣東北二十里韓王山在縣北十五里山形特起平地數畝俯瞰羣山如培塿然有玉女泉又云首陽山在長治縣西南七十五里南山坡隸高平西山坡隸長子

其在縣東者首陽山之左曰換馬嶺有澗水曰西長河循澗

西南行曰蓮華山曰七佛山曰米山曰營房嶺曰虻蚡嶺撰馬嶺之左有澗水曰東長河又東則蒦水也環二水之間曰龍王山曰翠屏山曰舍利山曰燒石嶺又南曰龍嵒山西南入鳳臺界曰固山左臨蒲水右爲泫水出山之陁口

寶宇記米山在高平縣東十里趙將廉頗積糧於此

舊通志換馬嶺堡在高平縣北四十里蓮華山在縣東北十里迴峰曲嶂中有蓮華石營房嶺在縣東十里廉頗屯軍於此背峰面澤虻蚡嶺在縣東十里旱蝗祭於此龍王山在縣東北三十五里上有石佛洞三教洞子孫洞石渠翠屏山在縣東北二十五里層峰秀石舍利山亦東北二十五里上有五音洞下有舍利泉唐釋大愚公隱此調演五音於洞中常聞五音不絕後撰韻母

三十上昭宗賜田及紫衣龍嵒山在縣東二十里山形
嵒嵒可望黃河

澤州府志七佛山在高平縣東五里高出羣山有淵雲
泉左右環河唐僧鑿七佛

高平縣志燒石嶺距縣二十里南接龍甲山頂形勢
絕

鳳臺縣志固山東北距縣六十里上有廉將軍廟

鷄鳴嶺亦曰觀火嶺爲陵川北界稍西曰秦嶺曰寶應山迤
而南曰聖宮山曰黃沙山蒲水出其間水源之南兩阜相屬
以達於縣城南之龍門山其南曰鳳山西溪在焉又南曰靈
泉山由源而西曰魯山曰赤石山與高平界之鐵佛嶺連而
西南入鳳臺界

陵川縣志觀火嶺縣西北四十里接長治界秦嶺縣西北三十里秦白起築以遮趙救兵絕芻糗之所實應山縣西北四十里接西火嶺界秦嶺之北峰也聖宮山縣北二十里接壺關界有蒲水西南流入鳳臺合丹河黃沙山縣北十里一名天乙又名太乙爲邑之主山北界蒲水龍門山縣西一里兩山橫互中缺似門鳳山縣西南四里有龍祠祠下清泉湧出曰西溪靈泉山縣西南十里山有靈泉魯山縣西十五里雙峰蔚然赤石山縣西三十里土石俱赤故名

其在縣境迤南者由黃沙山而下曰菊嶽山又南曰錦屏山下臨澗水南流爲九仙臺水曰蒼龍山曰古賢山皆有泉入焉錦屏山之西爲馬鞍山又西曰王莽嶺入鳳臺界北接狐

嶺南連松林山在九仙臺北

寰宇記九仙臺在陵川縣西六十五里古賢村壁立萬仞三面泉流故老相傳背有九仙曾會於此

陵川縣志菊嶽山縣東五里多產菊有捍水口一名漳門山上有龍祠前有文峰塔邑令黃國傑種松千株鬱蔥成林錦屏山縣南二十里山多芍藥宋元豐間郡君錫棲此邑令呂由庚偕高子英谷漢臣入山訪之爲芍藥會山下有大石盤數層過河水下其聲鞞鞞舊志所謂湍湲石也其水發源縣治東北俗名東大河漸流而下入於柏崖杖河以及東西堯泉穿九仙臺而向西南入鳳臺之夾石溝古賢山縣西南七十里隋僧曇如居此清涼泉在古賢寺東里許自蒼龍山麓湧出曲流繞

寺馬鞍山縣西四十里

鳳臺縣志陵川西王莽嶺俗曰峰頭入縣界南行曰狐
兒嶺東距縣五十里稍前曰橫嶺再前曰東龍王山距
縣三十里狐嶺迤南轉東曰節山橫亙數十里陵川九
仙臺水自東北來百洋泉水合之在縣東南四十里山
脊迤北曰松林山俗曰郭家背距縣五十五里

其在鳳臺東南者九仙臺水之南爲天池嶺其西曰珏山東
曰紫金山南曰玲瓏山蟠龍山又南迤東爲馬牢山迤西爲
鐵櫟嶺有柳樹口道通河內又西南爲石人山皆丹水所經
也

方輿紀要馬牢山在澤州東南唐大順初汴軍圍州河東
將李存孝擊之汴將李譙等遁去存孝隨擊之大破之於

馬牢山

舊通志柳樹隘在鳳臺縣東南八十里明置巡檢司崇禎五年流賊紫金梁老回回在河北修武爲官軍追勦遂踰太行自柳樹口至陵川南馬附城

鳳臺縣志天池嶺與接山對嶺有寨石城天然山脊西旋兩峰丫角曰珏山東南距縣四十里山脊左旋曰紫

金山有百洋泉蓮花洞距縣五十五里

又進東有黃龍洞距縣九十里

一山橫互幾四十里許

山脊右行曰玲瓏山一曰空同山有風穴

居人以石覆之距縣七十里再南曰蟠龍山有淨影寺

迤西曰馬牢山下屬修武上屬鳳臺通陵川瘦驢嶺路

距縣八十五里鐵板山山西陘爲柳樹口口北石棧爲

十八盤通河內縣清化鎮距縣八十里再迤西南曰二

石人山角倚相望丹水經其下一名聖人崖距縣八十八里

右丹水以東諸山在陵川西境高平鳳臺東境者陵川南山由翠屏迤而東曰八瀆嶺其南曰永和陞曰五度關關之迤西與古賢山連者曰望仙樓山迤東曰瘦驢嶺曰牛壁山曰風豁口入修武縣界其東山與八瀆嶺連脊而稍北者曰箕子山迤南曰黃圍山又南曰三里碛其東有孤圍山平田水所源卽長清水也下流入輝縣與小丹河合黃圍山之東曰馬武山曰板山曰風門山曰狀元峰又東曰玉莽臺其南有天柱山並與輝縣界白陞之上口也爲太行山陞道

方輿紀要永和陞在陵川縣南六十里路出河南修武縣

明初設司戍守嘉靖中華五度關隘在縣東南八十里路通河南輝縣明初調甯山衛官兵戍守後罷

陵川縣志八演嶺縣東南三十里箕子山縣東二十里西南麓石上有巨人足迹黃園山東南五十里孤峰插天陟巔見黃河山半有洞昔人秉炬深入四五里遇橫河一朽木不敢越而出洞口一峰中空如門由黃園山右繞而下有三里硤硤有七十二折兩山夾澗回曲而遠孤園山縣東七十里平田水由中而出其源一出孤峰一出花瓶寺崖至此合流馬武山縣東五十里周百里四山峭壁上有寨相傳漢馬武築金興定四年上黨張開駐兵於此板山縣東五十里連熊耳山形方而峭風門山縣東六十里連板山形似門狀元峰兩峰並立

削如青萍知縣楊廷七狀元祠於東川

吉祥院碑宋崔有字十五歲鄉

貢二十五歲及第蘇村墓表金武明甫貞元中及第明

甫猶子天佑承安五年及第天祐弟天和太和及第

林莊墓表趙安時字全老號東園正隆間及第安時弟

安榮後亦及第又晉甯路李俊民及第後避兵邑之嵩

山故有七天柱山縣東南八十里又縣南七十里奪火

鎮即永和隘二十里至望仙樓山口與修武嶺後村界

奪火鎮南十里至城兒溝即五度關又十里至十八盤

又二十里至瘦嶺嶺與修武小洪界奪火鎮稍東十里

至琵琶河二十里至碑子碣又十里至牛壁山奪火鎮

東三十五里至風壑口並與修武界縣東南七十里至

硤底又二十里至東溝口又二十里與輝縣平田村界

平田口在村西北里許縣東偏南五十里至馬武寨又

六十里至天柱坡與輝縣馬頭口石門店界縣東五十

里至窟郊又四十里至王莽嶺又十五里至西嶺前有
王莽臺又五里至石門口與輝縣松樹坪界

案禹貢錐指春秋地名考並以輝縣之白陘爲孟門
於古無徵惟武億羣經義證謂孟門卽盟門地在濟
源爲今之封門引晉語公伐原去之盟門爲證其說
近是茲從之若由白陘入晉則陵川其首衝也而縣
東南谷徑叢雜類皆要隘故自平田口以東以西備
著之

右丹水以東諸山之別支在陵川南境東境者

濁漳爲太行巨浸故所受之水皆以漳名發鳩山其正源所
導也山南北修阻跨長子屯留延袤至沁源東界銅鞮而西
與霍縣對峙銅鞮水世亦稱濁漳也其東支則循川而行互

澤潞閒為長治潞城壺關陵川之山旁薄周回與隆慮諸山相錯齒蓋居太行之腹矣就其形勢分為濁漳西山濁漳南山

水經濁漳水出上黨長子縣西發鳩山注出鹿谷山與發

鳩連龍而在南淮南子謂之發苞山

案苞即鳩字蓋由別作勾因寫作旬而又

加忡耳

寰宇記銅鞮水今名小漳水亦名西漳水

得通志發鳩山在長子縣西五十里盤踞三十一里西

至橫水村十五里東至川口村九里上黨記屯留有鹿

谷山濁漳所出發鳩隸長子鹿谷隸屯留是析為二山

也地形志廉山濁漳出焉是發鳩一名廉山也

案石趙時長子

縣治當在今長治縣南十六里之故縣村水經注所謂

陶水北流經長子城東者也故上黨記謂合狐微君隱

城東山去郡六十里若今長子縣則去鹽關之東山且及百里似彼時畏子兼有今長治地而其西境實隸屯留故上黨記云云其鹿谷乃發鳩之別名郡國志注於長子下引山海經於屯留下引上黨記亦互文也若云析為二山則漳水亦可折為二源乎地形志廉山亦當是鹿谷山誤鹿為廉又脫谷字耳是書誤文最多如余唐城誤余五三嶺山誤三想三想大山誤大山絳水誤給水時氏誤蔣氏即上黨一郡已不勝摘

濁漳以西之山在長子境者與發鳩連脊而迤西為刁黃嶺又西為橫水關其下有八十川西南入岳陽界達於沁水由嶺而北為方山迤東有岡阜相屬曰化師山曰白佛頭山有藍水東流經縣城北入藍水

魏書地形志寄氏縣有方山金史地理志長子縣鎮一橫水

寰宇記冀州圖刁橫嶺在長子縣西六十里亦名發兌山漳水出焉八十川水在冀氏縣東三十里出潞州長子縣

界發鳩山西南入縣界合沁水川長八十里因名八十川

卽橫水

方輿紀要刁黃山刁一作雕唐會昌元年劉稹以澤潞叛使其將李佐堯守刁黃嶺以拒官軍大順初河東將李存孝擒孫揆於長子西追擊餘衆於刁黃嶺盡殺之志云山多林木與發鳩山接

長子縣志橫水關舊在縣西七十里元置化師石在縣西三十里舊名古邛唐時有僧化此白佛頭山在縣西三十五里巔有白石形似佛頭壅水所出東流經縣北又東北流會藍水入濁漳又有頂參山在縣西六十里蛾眉山龍泉山並在縣西七十里

其在屯留縣境者曰盤秀山亦卽方山也俗名摩訶嶺上黨

關在其間其陽藍水所源其陰則絳水所源也出山東流與漳會循山脊而北爲鵬窩嶺西通沁源迤東曰田石山曰霜澤山其岡阜之並峙於藍水北者曰疑山曰鳳凰山迤連於絳水之北者曰紫荊山曰蓮花岡曰三巉山曰浮山曰石聚山曰良材山東與襄垣之五巉山界

地形志屯留有疑山迤澤絳水自寄氏界來入濁漳因名交漳陽水源出三巉山東流合車臺水東南入絳水寄氏二溪爲陟氏有陟氏城三想山北有水源出蒲谷東南流入絳水有八禮泉上黨谷有盤秀嶺藍水出其南北流合濁漳樂陽有望天嶺絳水所出

水經注絳水西出穀遠縣東發鳩之谷謂之爲藍水也東徑屯留縣故城南故留吁國也其水東北流入於漳故桑

欽日絳水出屯留西南東入漳漳水又東涑水注之水西出發鳩山東徑余吾縣故城南又東徑屯留縣故城北其水又東流注於漳故許慎曰水出發鳩山入漳從水東聲也

寰宇記冀州固屯留縣有鹿瀆山卽絳水源所出

案鹿瀆卽鹿谷

記又云鹿谷山在長子縣西有大道入壺口東出達襄國西登奚斯巨嶺以達河東徑阻千里詳其地當卽今之摩訶嶺在盤秀山三峻水在縣西四十五里絳水出縣西南方山去縣八十四里

舊通志雕窩嶺在沁源縣東南五十里縣延三十里接

屯留縣界

潞安府志盤秀山屯留縣西南九十里北連沁源縣山

一名盤石山藍水出其陽絳水出其陰田石山縣西八

十里山盤秀來陡開巨嶂霜澤山縣西五十里地高霜
早巖山縣西南九里玉海後魏孝文帝幸潞州見山有
伏龍之勢疑而不進遂斷山東麓以厭之因名巖山鳳
凰山縣西十五里有雲影寺宋地形志所云鳳凰山一名天冢山者與黃沙嶺今並在
郡城境紫荆山縣西十五里開壁峪蓮花岡縣西十
里縣互四十餘里起伏迤邐邑之屏障三巖山有羿祠
有三巖水地形志屯留有三想山寄氏有三想山三想
疑卽三巖想字又想字之訛浮山縣北三十里良材山
縣東三十里石聚山縣東北二十里有石聚寺五嶺山
在襄垣縣西南七十里五峰環立南連三巖有關明設
巡檢司後廢

謹案酈注以藍絳爲一水而別有凍水以今水道核

之則鄉注所謂絳水者卽今藍水所謂涑水者乃今絳水也而並云出發鳩地形志謂出望天嶺冀州圖謂出鹿瀆元和志云出方山與盤秀皆一山之隨地異名者再貢錐指辨絳水卽降水謂藍絳同源而以藍出山陽絳出山陰爲非與今水道不合亦未詳考鄉注及地形志也

其在沁源界者由雕窩嶺而北迤西曰青龍山曰白土巖曰鐵鑪嶺其水悉歸於縣東之翠峪爲沁水東源其在沁州西界者青龍之左曰聖佛嶺迤北有花山伏牛山爲小漳所自出山脊循州城迤西而南曰銅鞮山亦曰堯山又迤南曰石梯山爲銅鞮水所自出曰好松山在其北曰八特山在其南其東曰月嶺又東入襄垣界曰萬安山與小漳會是爲西漳

河有五陽山鹿臺山與五嶺山及潞城之黃阜坡陀連屬南
臨濁漳東盡西漳之岸

水經注漳水歷鹿臺山與銅鞮水合水出銅鞮縣西北石
陞山東流與專池水合水出八特山東北流入銅鞮水銅
鞮水又東南合女諫水水西北出好松山東南流北則葦
池水與公主水合而右注之南則榆交水與皇后水合而
左入焉亂流東南注於銅鞮水銅鞮水又東經故城北城
在山阜之上下臨岫竇東西北三面阻表二里世謂之斷
梁城卽故縣之上厓亭也又東徑銅鞮縣故城北城在水
南山中漢高祖破韓王信於此又東南流徑頃城西卽縣
之下厓聚又南徑胡邑西又東徑襄垣縣入於漳

寰宇記銅鞮山在銅鞮縣西二十里本名堯山天寶六年

勅改爲銅鞮山高一千五百五十尺

舊通志云銅鞮山在州南四十里一名紫

金山有文中子石室誤案文中子父陸爲隋銅川縣令故城在秀容郡今爲蔚縣地此之石室蓋出附會又移山名以實銅鞮水水經注云出覆斧山徑襄垣道是也又冀州

圖云烏蘇城在縣西北二十里有銅鞮水是也

案水經注

之文斧當是釜之誤然篇注不及小漳之源或有脫佚合冀州國語觀之似樂史引此以證小漳者疑覆斧乃伏牛

說石梯山在縣西南七十里水經注云銅鞮西有梯山高

一千九百尺亦無此文

黃阜山冀州圖云潞縣西三十里

黃阜有城亦名黃沙嶺劉聰將蔡母劇敗晉將崔恕於黃

阜斬之

案今有黃碾村在漳河東五代晉王存勗救潞州軍於黃碾村是也

沁源縣志青龍山在縣東二十里連沁州屯留諸山巔

常出雲霧形似龍上有青龍河白土巖縣東十五里有

馬跑泉鐵鐘嶺縣東十五里琴泉山後相傳寶建德造

兵器地相連有磨刀嶺琴泉山縣東三里高五里盤踞三十餘里連青龍山上有翠高真人廟有靈泉

舊通志伏牛山在沁州西三十五里山勢巍秀有龍泉
州志山巔連覆飯山與武鄉界南連雲夢嶧龍龍山
門石梯風凰諸山與屯留界其長透迤幾二百里滑山
在州北三十五里州志名花山高峰聳秀有五仙石洞
明嘉靖中里人王威 紫金山萬安山月嶺並州南四十
生蛻其中上建塔 紫金山萬安山月嶺並州南四十
里後魏高祖幸代都次上黨之銅鞮山路旁有大松樹
曰十數根時高祖進轍遂行而賦詩令人示彭城王勰
所令就之作此詩雖不七步亦不言遠汝可作之比至吾
而就詩曰問松林松去帝十餘步遂且行且作未至帝所
雲與古同高祖大笑曰汝此詩亦調實吾也

潞安府志鹿臺山在襄垣縣南三十里巔有文王廟地
形志建義有鹿臺山及祠又見隋志金志五陽山在縣
南十五里 又云西漳至故銅鞮縣西屈經縣南南會東
清河河北會白玉河水經注好松山水疑卽白

玉河輸交水皇后水疑卽東清
河案志未確說詳沁水下

右濁漳以西諸山在長子屯留及岳陽沁源東境
襄垣西境沁州南境者

濁漳以南之山由發鳩山而東岡嶺相屬延袤二百里以達
於玉峽關皆北循濁漳之曲而南與澤州分山其在長子界
者曰繖蓋山有水近入漳亦稱漳源其東曰武訖嶺卽丹朱
嶺也迤北有阜曰堯山堯水出焉又東曰慈林山曰紫雲山
曰慶雲山曰羊頭山迤北有阜曰梁山梁水出焉並北流入
濁漳水

水經注漳水出鹿谷山左則陽泉水注之右則繖蓋水入
焉三源同出一山但以南北爲別耳又東堯水自西山東
北流徑堯廟北東徑長子縣故城南東北流入漳水漳水

東會於梁水水出南梁山北流徑長子縣故城南又北入漳水

地形志長子有長灣水東流至梁川北入濁漳羊頭山下有神農泉北有穀關卽神農得嘉穀處

寰宇記武訖嶺在長子縣南四十五里風土記曰秦趙戰於長平趙軍敗退秦白起逐至此名曰武訖嶺羊頭山在縣東五十六里後漢安帝時羌寇河東以任尙爲御史掾破於羊頭山謂此也慶雲山上黨記云堯之將興有五色雲出此山故曰慶雲山

方輿紀要長平關縣南四十里又南去高平四十五里關經云關蓋置於武訖嶺

長子縣志丹朱嶺上有長平關今廢律學新說羊頭山

西二十里曰丹朱嶺意古之丹林年久訛爲丹嶺而朱字乃後人妄加者耳潛山在縣西南十三里又名堯山見北齊韓侍中墓誌其西北麓有潛龍菴慈林山在縣東南三十里東連紫雲山山峰峭拔上建佛寺古蹟甚多宋龍圖閣學士王益柔有慈林寺碑紫雲山在縣東南四十里唐瑞應錄明皇別駕潞州時與郡僚宴壺口遙見羊頭山西北紫雲朝拱因名

羊頭山之脊其南毘連高平其北爲長治之南山連麓而東曰八諫山曰雄山其與陵川界者曰雞鳴山卽火山也陶水出其右雞鳴水出其左西北流與八諫羊頭諸水會環水諸山隨地得名最著者八諫水之北曰二仙山曰南五龍山連西岡阜叢連以達於平原爲黎侯嶺雞鳴水之北曰浮山曰

佛耳山曰五龍山迤東峰嶺迴合當郡城之左爲壺口山

續漢書郡國志壺關有黎亭故國注上黨記東山在城東

晉申生所伐今名無舉

案左傳晉侯使太子申生伐東山泉落氏杜注泉落赤狄別在晉國

都東北無舉當是無泉之誤左傳襄十七年澤門之晉釋文本或作泉門水經潞水注澤城即古城泉亭泉澤字相

似可證也

水經注漳水又東北徑壺關故城西又屈徑其城北故黎

國也有黎亭縣有壺口關故曰壺關矣

地形志穀闕有泉北流至陶鄉名陶水合羊頭山水北流

入潞漳

元和志鷄鳴山一曰火山在上黨縣東南七十六里

方輿紀要壺關山在府東南十三里延袤百餘里東接相

州崖徑險狹形似壺口漢志上黨郡有壺口關蓋置於此

亦謂之崞口唐天寶末李萼說平原太守顏真卿欲開崞口出程千里之師建中二年田悅以相魏叛貝州刺史邢曹俊謂悅曰今置萬兵於崞口以遏西師則河北二十四州皆爲尙書有矣旣而田悅圍臨洛河陽節度馬燧昭義節度李抱真救之合兵東下壺關軍於邯鄲圖經壺口東出相州滏口謂之崞口五龍山在府東南二十里寰宇記本名上黨山西燕慕容永時有五龍見山上因名山多松柏森茂千霄爲郡之勝雄山在府東南六十里陶水出焉與八諫水合八諫水在府南六十里其地有八諫山相傳趙括將八人諫括不聽自刎於此又有雞鳴水出府東八十里之雞鳴山入於八諫水黎亭在府西南三十五里黎侯嶺上

長治縣志南五龍山在城南六十里上有五龍殿二仙
山南連五龍山十三里有寶雲寺浮山縣東南五十五
里有寶峰寺福泉山在縣西南七十五里有福水禪院
羊腸嶺圪堆嶺聖皇嶺並縣西南六十里秦洪嶺興龍
山關山並西南五十五里石泉山紫沙嶺並西南五十
里秀巖山西南四十里牛王嶺五定山並西南二十里
里天臺無影山西南二十里周二里四周平坦日出入
霄無影鶴子山縣南六十里有濟濟廟神座下湧泉石
佛山南泉山玉泉山並縣南七十里南雲山縣東南八
十里有九江廟佛山縣東南三十五里壺關界一名佛
耳山金粟山東南三十里三巖山二一在東南三十里
一在西南五十五里

壺口之北曰百穀山又北爲潞城之南山曰大禹山曰廬山
曰無影岡曰伏牛山並直縣城其西衍迤於平原者曰三垂
岡曰天冢山其北循潞漳而東者曰龍山曰馬鞍山曰風洞
山曰天井谷轉而南曰微子嶺曰葛井山並當漳水之曲而
西與伏牛諸山相接又南曰廣武山又南爲青羊山故平順
縣也有慈蔭山彩鳳山其東出之道曰龍門口曰馬塔口皆
太行隘也而魯殷門爲尤險今爲虹梯關

寰宇記天井關在襄垣縣東南四十里置在天井谷內渠
遂似井因以爲名魏武初遷鄴於此置關周建德六年廢
舊通志在縣東三十里案漢志上黨郡有石牙關唐志襄
垣東有井谷故關舊志以爲一地而不確指所在然縣東
南四十里則在潞漳之南當黎城潞城二縣之境矣

方輿紀要柏谷山在潞安府東北三十里一名百穀山俗

傳神農嘗穀處有百穀泉三垂山在潞城縣西二十里晉

永嘉中劉聰將齊乘攻晉上黨太守麗和於壺關平北將

軍王廣韓柔馳救敗齊乘於三垂五代梁開平二年晉王

存助救潞州伏兵於三垂岡下乘大霧直抵夾寨出梁軍

不意大敗之五代史李克用破孟方立於邢州遷軍上黨

解其悲生下皆悽愴時存助在側方五歲克用慨然將

贊而笑曰吾行老矣此奇兒也後二十年其能代我職於

予鳳凰山在縣西北五里一名天塚山頂有風洞中有玉

女泉太平寰宇記泉深五尺未嘗盈竭泉內時有白伏牛

山在縣東南十里唐史景雲三年黃龍見於此潘炎黃龍

龍二年秋九月五日黃龍見於上黨伏牛山之南岡當

久之又黃龍再見咸亨三年六月十五日再見於牛山

潞城縣志葛井山在縣東南二十里大禹山在縣南十

里世傳邑人中仙遇葛洪於此授鍊形之術舊有祠後

祀城東白鶴觀無影岡在縣南十里形肖覆釜日照無影盧山在縣南五里有盧醫廟龍山在縣西北二十里馬鞍山在縣西北五十里風洞山在縣北四十里北連漳水上有石穴微子嶺地形志壺關有微子城廣武山在縣東南東鄉村相傳廣武君葬此案元和志李元車墓在趙州西七里此因山名而傳合也青羊山在舊平順城北慈蔚山在其東三里彩鳳山在其南西距縣六十里龍門山在縣東一百三十里漳河南岸馬塔口在龍門山南虹梯關在縣東一百二十里地形志壺關有魯班門一名天門是也今設巡檢司

潞安屬縣六五潞潞漳其介居山腹距漳獨遠者爲壺關縣白郡城踰壺口而南爲縣治之清流川自縣城循黃山而南

爲縣舊治之益陽山所謂羊頭之阨也迤而東有東井嶺嶺西爲洶水之上源其南曰抱嶺山嶺東爲五指河沾水之上源也其南曰紫園山二山近界陵川橫互百里迤北諸山名見古籍者曰赤壤山曰靜林山曰鐵鼓山曰麥積山曰大王山悉其分支迤邐以達於城東之馬駒山壺谷之近障也其在壺谷之北者曰鳳凰山又北曰五馬門今名杜公嶺西界長治而東歷平順故縣以達於虹梯關羊腸坂在南或曰今玉峽關也

地形志壺關有羊腸坂靜林山有赤壤川其地寒而早霜有鐵鼓山五馬門

五朝志上黨有羊頭山抱嶺山

唐志壺關有馬駒山

金志壺關有抱犢山紫團山赤壤山

明志壺關南有趙屋嶺西南有大峪嶺俱產鐵

案二嶺疑卽魏志之

鐵鼓

山

寢宇記羊腸坂在壺關縣東南一百六里一名洞口沾水
出焉王莽命五威將軍王嘉曰羊頭之阨北當燕趙舊有
關亦謂壺山後魏移縣於此

太平御覽道書福地記曰抱犢山在上黨東南高七十丈
有石城方一里東南有草名玉照下枝冬生花高五六尺
味頗甘取其末服之方七日不饑宜五穀多食物無惡
毒寇賊不至玉璽云抱犢山東北去恆山之南數百里云
南有穴行三百里出滌陽縣西七十里名曰洞口又隋圖
經曰卑山今名抱犢山四面危絕山頂有二泉後魏葛榮

亂百姓抱嶺上山因以名之也

秦隋志石邑有抱嶺山當卽玉璽所云者

一統志抱嶺山在壺關縣東南王烈嘗入山見一石室中有素書兩卷讀之不辨其字不敢取默記十數字形似歸問稽叔夜叔夜盡知之乃將叔夜往竟失石室所在烈歎曰叔夜未應得道也

方輿紀要大王山縣東南二十五里後魏書太平眞君九年詔於壺關東北大王山累石爲三封又斬其北鳳凰山南足以厭之以望氣者言山有王氣也一云孝文見山有封龍又斷山之東龍普泰初高歡帥六鎮降衆就食山東屯壺關大王山蓋卽王氣之應也又唐元宗以潞州別駕膺大統亦其驗云鳳凰山在今縣北十五里又烏泉山縣東南三十里山色皆黑山半有泉伏地而流黃山在縣南

二十八里山色皆黃

縣志崇禎六年山生白脂民取以食名黃山麇

舊通志紫團山在縣東南一百里高二十五里盤踞二

百二十里連太行山接林縣界古紫團真人修真地龍

眉子引仙詩以爲金丹口訣焉有翠微洞洞前有白雲

潭山麓瀑布如噴玉垂虹昔產紫團參後絕宋政和中

王宋三十六景詩有迎陽峰倚秀峰碧蘿峰老人峰金

屋山鵝尾山天杠磨崖山仙翁崖東華表西華表滄纓

溪南極園駐雲亭

張鐸紫團八景詩序王補道詩刻半存得景二十有二是僅亡十四石也

而壺關志採其詩十六首今止存四石諸名並佚

雲蓋峰在山西以雲蓋寺名

卽址

雲亭又山畔有慈雲寺晉唐時名利翠微洞紫團真人

面壁地也洞口劣容一人僂偃入轉身而下高低寬隘

倏變旁穴歧徑旋轉卽迷深闇或燭不能然莫窮其極

鳳臺山在紫團山西二十里樂氏仙沖舉於此櫻桃峯
在紫團鄉有宋大觀三年李元儒樂氏二真人封號記
及真人父母墓碑唐乾甯元年立今存

潞安府志隋志上黨縣有抱犢山是時壺關併入上黨

應在壺關境舊志云爲陵川縣所割也

陵川縣志抱犢山在

馬武寨東三十餘里金

武仙嶺抱犢寨卽此河南林縣志又云在大頭山之

西卽林慮之嶠橫抱犢固也案大頭山在魯般門西北

魯般門卽虹梯關舊屬壺關則今玉峽虹梯一帶當卽

古之抱犢山壺關新志云林縣在紫團山之東陵川在

紫團山之南與關中隔大山爭引抱犢俱爲未確紫團

山秀絕人寰何以漢唐以來絕無遊賞地志亦未之及

疑宋以後之紫團卽唐以前之抱犢也

壹關縣志東井嶺在縣東南七十里山水自嶺分東西
東流至林縣者爲五指河西流入長治者爲洵清河麥
積山縣東南七十里安公山相傳比邱安公隱此焉鞍
壑縣東南八十里並接陵川界趙屋嶺縣東南六十里
赤壤山縣南六十里佛耳山縣南四十里鸞山在佛耳
山迤東一里
棲峰山縣南三十里黃山頂邑南境最高峰又石魚坂
在黃山南
後輒有五色魚見龍泉山縣南二十里靜林山縣東七十里純
山縣東十五里紫元和志令狐微君元隱東山去縣十
九里故當在此縣志引唐人令狐璋墓
志文但謬殊不足證府志據上黨記謂去長子六里
十里不宜在此又未核晉長子故城在今長治境馬駒
山縣東十里紫巖山縣東南十三里龍石山縣東南七
里龍山鳳山並縣東南五里上有鳳
山浮圖栲栳山縣西南四
里清流山縣西南三里清流川所出神山高望山並縣

西南一里壺關山縣西北五里長治界通典縣有壺山

龍溪山近壺山
上建龍王祠

檀山縣東北三里唐徐王元禮爲潞州

刺史嘗逐白鹿至此清涼山縣北二十里上有清涼寺

風穴山縣東北二十里西有石竅深不可測聽之常有

風氣杜公嶺縣北五十里舊名龍蟠山有大小二嶺鳥

道崎嶇康熙間平順令杜之昂捐貲修徑三十餘里士

民感之名曰杜公嶺

案嶺東有東五馬西五馬諸村嶺卽地形志之五馬門也

壺關續志益陽山在縣東南六十里山下有城頭村卽

古益陽城方輿紀要云括地志後魏移壺關當羊腸坂

羊頭之阨是也其地名穎陽岡益陽穎陽一聲之轉前

志謂穎陽岡卽今縣城蓋沿寰宇記之謬方山在益陽

山西南八里

右濁漳以南諸山在襄垣潞城長子長治壺關境者

由虹梯玉峽而南抵陵川之王莽嶺其間阨隘在漳南者皆通河南爲太行之東嶺林慮山之腹背北則洹水潛源南則淇水所導也曰大頭山在潞城相近者有抱嶺固白木川曰穴陘嶺在壺關相近者有沾臺寶巖而東出爲梯頭隘南出爲大河口並界林縣曰沮洳山在陵川相近者有佛子熊耳六泉斜眉佛頭蒼管蓮花昭君諸山而東出爲石門口界輝縣

水經注漳水又東經礪陽城

按城在林縣北八十里

倉谷水入焉水

出林慮縣之倉谷溪東北徑魯般門西

案在林縣西雙關北二十五里

昂藏石壁霞舉左右結石修防崇基仍存北徑偏橋東卽

林慮之嶠嶺抱犢固也石墜西陞陟踰脩上五里餘崿路
中斷四五丈中以木爲偏橋劣得通行自上猶須攀蘿捫
葛方乃自犢山頂卽庾袞陟處也晉書庾袞傳袞適林慮山石勒來攻乃相與登大頭山而田于其下將收穫命子恤與之下山中愆目眩墜崖而死倉谷溪水又北合白
木溪溪水出壺關縣東白木川東徑百晦城北蓋同仇池
百頃之稱矣又東徑林慮縣之石門谷又注於倉溪水又
洹水出上黨洺氏縣東過隆慮縣注水出洹山山在長子
也隆慮縣有黃華水出於神囷之山黃華谷北崖上案在林縣
西二其水東流至谷口潛入地下東北十里復出名柳梢
東流葦泉水注之水出林慮山北澤中東南流與雙泉合
出魯般門東流入葦泉水又東南流注黃華水謂之陵陽
水又東入於洹水也又淇水出河內隆慮縣西大號山注

山海經曰淇水出祖御山水出山側頽波瀾注衝激橫山
山上合下開可減六七十步巨石礫石交積隍澗傾瀾
盪勢同雷轉數水散氛暖若霧合又東北沾水注之水出
壺關縣東沾臺下石壁崇高昂藏隱天泉發於西北隅與
金谷水合金谷卽沾臺之西溪也東北會沾水又東流注
淇水又徑南羅川又厯三羅城北案羅城在輝縣西北六十里
地形志林慮有陵陽河東流爲汜臨淇案故縣在今林慮縣南七十里有
王莽嶺源河東流爲淇

元和志潞州東取穴陘嶺路至相州三百五十里卽寫龍山
太平御覽述征記曰登滑臺城西望太行山白鹿巖王莽
嶺冠於衆山之表

河朔訪古記彰德之西九十里曰林州州之西北二十里

曰黃華谷其最知名者谷南之天平山猗谷寺也猗谷暮
夜陰崖石壁間燦然有燈火作金花神幻不可致詰前賢
多作歌詩曰金燈集

潞安府志玉峽山在壺關縣東一百十里蒼龍洞在縣

東一百里玉峽山西南深半里有靈猷

案當即水經注

關沾水東至朝歌入淇

寰宇記在羊腸坂今名河口五指山縣東南八十里高二

十里連太行山接林縣界

五指河源出東井嶺東南至河郊口會後山溝水又東南

連大河村入林縣界窟窿山縣東南一百二十里土人

案即水經注金谷水窟窿山縣東南一百二十里土人

燒石以通林縣之道如洞穴然其中黝昧騎者必下勃

率蹣跚約半里許又有鴉門山最高人迹罕至上有廢

寺循山有堡砦遺趾十八盤陞縣東南八十五里正梯

案即桃園梯

陞縣東一百二十里並通林縣

陵川縣志佛子山縣東北四十里太行絕頂也有靈雲

寺熊耳山縣東北六十里兩峰峭立水流其間下有空

翠谷俗呼爲支弓豁六泉山縣東北四十里上有六泉

自山半洞中出山接熊耳紫團洞縣東北六十里其水

自浙水而北至紅寺底南北口屬壺關案浙水在縣東北四十里爲淇

水正源出熊耳山之東偏北有銅谷碛由趙家嶺川至

黃崖去縣六十里含珠岩縣東北一百里有瀑布名鯉

池斜眉山在鯉池寺西佛頭山在鯉池案此水東孫谷

峪舊名蒼窖山距縣七十里蓮花山在峪東距縣一百

十里昭君山縣東北百里有黑風洞其西岩絕壁沖天

險不可狀二山在王莽嶺北王莽嶺東十里有斷金橋又東十

五里至西嶺又東五里至石門口輝縣界焉鞍堅縣北

二十五里壺關界東北經廟龍山通林縣

平順舊志寶巖寺在新興里太行山頂一名金燈寺寺

有石室石像北周辛上人修土人傳寺僧坐禪夜有金

燈數盞由南山飛入佛前僧童持帚撲地及視之乃樹

葉也自是不常見

地今屬壺關在王峽山北林縣界元好問有寶巖紀行及鎮谷聖燈詩

夏言虹梯關銘玉峽關西來餘百里近蟻尖若干峰壁

立中通峭峽狀如風門而小下則無底之壑石磴齒齒

盤迴霄漢望之若虹霓然比歲青羊之寇憑負以拒汴

師者此也故號拱梯予易以今名亦因以關焉從而銘

曰石崖攀天仄磴千迴仰干壑明俯臨蔽纒鐵壁勾連

谿衍中開觀者駭魄行子心摧互如長虹橫絕天階彼

昏者氓肆其喧厯爰據培塿以抗震雷卒干大刑亦孔

之哀太行之阿大河之限關門弗嚴維帝念哉北山有石南山有材經之營之突若崔嵬以詔後來玉峽關銘並序玉峽關者夏子叔焉而命名之名也舊曰風門口在隆慮萬山之嶺爲兩河三晉之界蓋天作之險也前此弗設守庸氓往往憑阻以拒命吏茲大非失理與廼卽是關焉關成而系之以銘太行盤盤橫厲中原近引河朔遙綴崑崙太原大梁維國雄藩壺關林慮界於花園鳥道崎仄輪摧馬煩怪石離列熊攀豹蹲連崖壁立屹如墉垣絕頂中斷是曰風門俛臨夜壑仰逼朝暾一夫挺身萬騎空屯設險甚固王者道存廼告守吏爰作銘閎勒銘巖阿龍以瑤琨匪昧在德用戒臨昏

謹案潞城南境之山自虹梯關以北水多歸漳郡注

所謂白木川百晦池當在舊平順縣虹梯之水入黃

華谷下流入洹水關卽晉書之大頭山山海經所謂

神囷之山也

北山經神囷之山黃水出焉而東流注於洹郭注洹水出林慮縣東北

舊

通志以關爲魯般門大頭山在其西北考其地去林

縣尙六十里鄭注凡兩言魯般門一爲倉渙水所經

一爲葦泉水所出皆在關之東北距林縣爲近未見

爲合惟所謂抱犢固者斯乃山阻略如今之邊牆則

抱犢山明在其西矣若遼關東境陵川北境之山其

水皆入於淇而陵川浙水自西南而東北爲淇之正

源玉峽西之蒼龍洞爲沾水五指河納盈盈三壘諸

水爲西溪之金谷水此皆可以地志與鄭注相證者

則大號山與沮洳山或卽陵川北山之異名也特巖

谷穀雜泉源盈涸不常載筆者不能身履其地遂至傳問異辭自水經謂洹水源出洺氏道元又謂洹山在長子其後隋分洺氏置陵川亦竟取陵陽水爲名方輿紀要遂云洹水一名浙水出陵川又名陵陽河一統志直云出長子而證以今之水道及許氏說文杜氏春秋釋例郭注山海經無一合也

右漳曲以南諸山在潞城南並壺關陵川以東境者